



EXECUTIVE 日記

聯絡電郵: editorial@hkheadline.com

香港運動健兒仲未喺今屆奧運會擺牌，但打破幾項香港紀錄，好抵讚，除咗運動員表現出色，香港嘅橋牌小將亦成功打破咗香港橋牌紀錄，第一次喺世界賽奪得銅牌！代表香港出戰嘅六人橋牌隊，最近去意大利參加第十六屆橋牌世界青年錦標賽，上屆佢哋八強止步，今次發威，力挫多國勁旅奪一面銅牌，已經好勁了。

### 世錦賽奪季軍

# 香港橋牌隊獎牌突破

代表香港參賽嘅六人隊伍，由大學生組成，其中兩個人曾參加過世青錦標賽青少年組。隊長李慶龍話畀Kelly聽，本身都擔心資歷比較淺嘅隊員，打唔贏歐洲職業選手，贏咗季軍之後，先知香港隊「實力都幾高」咁話。

容易，港隊要同來自十八個國家嘅隊伍鬥智鬥勇，贏多個循環賽殺入八強，體力同腦力缺一不可。四強賽對意大利嘅時候，香港隊一度領先，但係被意大利隊追上，錯失爭金機會，但季軍戰對德國就有驚無險，先輸一局，但好快調整心情，最後以一百點七分比九十分擊敗德國，攞到香港橋牌歷史上首面銅牌。

不過，唔好以為坐定打橋牌好



六人組成的香港參賽隊，在橋牌世界青年錦標賽中奪得銅牌，是歷來最佳成績。



打橋牌要鬥智鬥勇，絕不容易。

## 視障者 另類遊「小泰國」

Kelly鍾意去九龍城食泰國菜，但有諗過視障人士都可以同平常人一樣感受「小泰國」嘅氣息，多得八達通領路義工隊嘅心意，佢哋帶視障人士去九龍城遊玩，沿途描述「小泰國」嘅景物畀佢哋聽，仲去食泰菜，等佢哋可以用聽覺、嗅覺同味覺感受異國風情。

參與嘅視障人士話，平日冇乜機會外出吃喝玩樂，所以好開心義工隊員帶佢哋周圍去咁話，Kelly真係要畀個like義工隊朋友。

